

重訂時行伏陰芻言
第八種提要

重訂時行伏陰芻言一卷爲當陽社友李君貢
三之寄稿據云書係田雲槎先生所著甲寅年
自友人處得之蓋以伏陰之爲病有似霍亂而
實非霍亂倘認證不確方法錯謬其害有不可
勝言者李君又曰余於此症素懷疑竇既得斯
篇若獲珍寶故特錄呈以公同好云想見其利
人濟物之懷溢於言表世必樂讀之以副李君
一片嘉惠醫林之婆心不特得一孤本書已也

庫本存

三三醫書第一集總目

11 10 9 8 7 6 5 4 3 2 1

溫熱逢源
醫事啟源
醫經秘旨
醫病簡要
醫階辯證
喉科秘訣
瘰癧科全書
重訂時行伏陰芻言
村居救急方
毆蠱燃犀錄
外科方外奇方

22 21 20 19 18 17 16 15 14 13 12
效論經旨
臨症驗舌法
沈氏經驗方
重訂痧疫指迷
重訂靈蘭要覽
凌臨靈方
推篷寤語
舊德堂醫案
內經辯言
新刊診脈三十二辯
專治癰痧初編

33 32 31 30 29 28 27 26 25 24 23
評註產科心法
本草衍義
先哲醫話
蘇州陳氏外科要訣
秋瘧指南
宋本備急灸法
醫源
馬培之醫案
本事方續集
曹仁伯先生醫案
南病別鑑



25205

三三醫書第一集總目

伏陰芻言目錄

時行伏陰總論

陰伏霍亂辨

原病

變症

附錄驗案數則

重訂時行伏陰芻言目錄

伏 氣 解

維揚葉子雨前輩有伏氣解一
書引經據典對於吳鞠通王孟
英諸先生輩猶多辨正其議論
之精學理之深已可概見中裝
大版白連史印一冊大洋三角
本社尚有存書請速購作參攷

重訂時行伏陰芻言

三三醫書第一集第八種

田雲槎先生著

後學

當陽貢三李振聲重訂
紹興裘慶元吉生校刊

時行伏陰論乃田雲槎先生所著甲寅年自友人處得之蓋以伏陰之爲病有似霍亂而實非霍亂倘認症不確方法錯謬其害有不可勝言者余於此症素懷疑慮既得斯篇若獲珍寶故特錄呈以公同好焉

時行伏陰總論

天地之陽氣升於春浮於夏降於秋沉於冬往往與陰氣互相上下是故春溫夏熱秋涼冬寒爲四序之常四序失則寒暑愆非其時而有其氣則爲異氣異氣未有不病人者春夏陽氣開張之際適值陰雨不止雨淫盛濕盛則陽氣微而寒氣生寒濕相搏結成一團陰霾之氣人受之則上客於肺中客於脾下客

於腎卽病則爲寒濕如不卽病其邪必伏於經絡則爲伏陰直至夏秋陰氣內盛陽氣外洩久伏經絡之邪從陰而化發端於膜原膜原在胸膈之內夾脊之前正當胃交經關之所諸經之總會也陰邪踞此壅遏氣機清不能升濁不能降三焦表裏營衛氣血皆爲所阻於是胸中不樂頭微眩四末微麻小便不通下利清水嘔嘔欲嘔一經嘔吐聲痞耳鳴面塵肌消目眶陷目睛冒渴飲熱湯四肢逆冷脈微或伏轉筋疼痛冷汗自出有似霍亂變則嘔止而噤或噫或呃或咳或懊憹或心下痞塞而肢體若冰甚則心中如焚渴欲冷飲搗扇不知風飲冰不知冷臥地不起大要此症以小便通利則生不通則死其間有僅下利而不嘔吐者陰邪就下爲病也有朝發暮死者重感於邪也又有觸發舊病而並病者有誤鍼藥而成危候者有病後失調而終歸冥路者不可言狀初治之法當以溫中通陽爲第一義大忌苦寒助邪消尅伐正如神形已奪切勿與芳

香投鍼石以氣血不可再奪故也或當轉筋危急則湯熨之法最爲穩捷至於變症用藥或宜補或宜通在臨證者細心研究耳

伏陰霍亂辯

伏陰一症古書罕言而近代病此最多因其嘔利轉筋頗似霍亂世每以霍亂治之夫霍亂之義揮霍撩亂皆緣寒熱不調飲食不節以致風寒暑濕之邪與宿食冷滯相搏清濁混淆亂於腸胃而脾胃之氣困矣爲病則心腹絞痛嘔利並作內亂極而之外則爲轉筋疼痛大抵霍亂嘔利必有兼見之狀（時疫亦然）如頭痛發熱惡風惡寒者爲感風寒而病也身熱煩渴氣粗喘悶者爲感暑邪而病也是霍亂固有風寒暑濕之分故治法有或清或溫之不同也若夫伏陰之爲病蓋由春夏感受寒濕陰邪不即發出伏於肺脾腎三經孫絡乘人陰氣內盛之時遂從陰化而發也其爲病先利而後嘔並無腹痛視霍亂之卒

然心腹絞痛嘔吐而利者有間霍亂之發病則一井之中僅見一二伏陰之發專在夏秋病則遠近一律如傳疫然霍亂發暴而退速伏陰發緩而退不易霍亂脈大爲可治微細恒難治伏陰脈細或伏是其常候惟陽將通脈喜微續若暴復洪大每不可治以此較之源異而脈殊故其名不可不辨也古人所謂治病必先辨名識得爲名而後可以究病因察病狀則立方用藥自有把握雖千變萬化却有一定之法茲因近代寒濕伏邪爲病甚鉅奈人多以霍亂目之而方法錯亂遺人天殃故特辨正病名俾誤者知改耳

原病

(一) 伏陰之爲病先利而後嘔脈微欲絕甚則脈伏聲按此揭時行伏陰脈症爲伏陰病之提綱後凡言伏陰病者皆指此脈症而言也先利而後嘔正與既吐且利之霍亂症有間

(二)伏陰病胸中不樂頭微眩四末微麻小便不通下利清水嘔嘔欲嘔者蘇砂平胃散主之

聲按伏陰初起此方主之理中湯亦主之又伏陰之邪本先伏於肺脾腎三經孫絡而太陰少陰原無頭痛一症故病伏陰者僅頭微眩而不疼痛也實有不盡然者何也蓋肺既與大腸相表裏脾既與胃相表裏腎既與膀胱相表裏豈有臟病而不累腑裏病而不及表者乎不過較他症頭痛稍輕耳

蘇砂平胡散(溫中通陽法)

蒼朮二錢 厚樸(薑炒)一錢 陳皮一錢 甘草一錢 蘇葉一錢 砂仁一錢 生薑一錢 大棗三枚(擘)

水三鍾煎去渣分二次溫飲之不愈再服一劑

聲按醫理與地理有關係焉如我國東南卑濕濕重寒輕西北高亢寒重濕

輕則蘇砂薑附陳皮等分量宜有進退

(加減法)下利白水倍紫蘇加紅豆蔻一錢下利黃水倍蒼朮下利黑水或純清水倍砂仁如服藥不受加童便一杯

聲按平胃散一方原爲滿悶嘔瀉而設蓋以陰氣積於胸中則滿悶寒侵胃則嘔濕困脾則瀉故用蒼朮厚樸陳皮生薑之辛溫以消陰邪甘草大棗之甘平以益脾胃合爲辛甘通陽之劑使陽復陰消則滿悶自除嘔瀉自止茲寒濕伏邪發端於膜原而現胸中不樂等症較之滿悶嘔瀉雖異派而同源故就原方中加砂仁蘇葉以通肺腎之陽並助諸藥溫中行氣俾肺脾腎三經之陽氣來復而壅踞膜原之陰邪可消矣如下利白水倍紫蘇如紅豆蔻一錢然紅豆蔻不如易白豆蔻以助紫蘇而通肺陽因白豆蔻本肺家藥也且辛溫之性能流通三焦溫暖脾胃三焦利脾胃運則諸症自平故也下利

黃水倍蒼朮者燥胃強脾升陽氣也下利黑水或純清水倍砂仁者溫中宮通腎陽也若加茯苓以助之其效尤速服藥不受加童便者因濁邪踞於膈上引以童便使之濁歸濁道也又下利白水前有嘔吐清水加桂枝一錢水漿不得受加乾薑八分與後第三條重複又有轉筋疼痛加牛膝二錢艾絨一錢與後第五條重複故刪去之

(三) 伏陰病嘔吐清水耳鳴聲痞四肢逆冷者宜蘇砂平胃散加桂枝水漿不得受者再加乾薑

(四) 伏陰病面塵肌消目眶陷目睛胃渴飲熱湯四肢逆冷者附子理中湯主之

聲按此爲伏陰症之重病目睛胃者謂睛不能視物如有薄紙遮蓋也又吳氏以喜飲水不喜飲水而辨霍亂症之屬陰屬陽是霍亂症原有陰陽之分

非辨伏陰與霍亂也故不飲水者理中湯主之欲飲水者五苓散主之若誤認此渴欲飲水之伏陰症爲五苓散所主之霍亂症則失之遠矣

附子理中湯（復陽消陰法）

附子（炮）二錢 人參一錢 白朮一錢 乾薑一錢 炙草一錢

水三鍾煎去渣分二次服之不愈再依前煎服

（加減法）嘔加半夏一錢薑汁一匙冲服腹痛加木香一錢臍下動氣去朮加桂六分心下悸加茯苓二錢妊婦加常歸芎藭濕盛易白朮爲蒼朮呢逆加丁香柿蒂各一錢

聲按理中湯原爲溫中散寒而設蓋胃陽傷則吐脾陽傷則瀉因吐瀉而致面塵肌消目眶下陷則脾胃困憊極矣濕不瀰漫目不冒寒不徹外肢不厥陰盛陽衰竟致不能蒸騰津液則渴欲熱飲故方中有人參以補氣益脾白

朮以燥濕健脾甘草和中以培土乾薑溫胃以散寒合之通中有守守中有通庶內外之陽氣來復而羣陰自消矣若甚寒爲患則又非純陽之附子不爲功嘔吐則加半夏薑汁以散寒而降逆腹痛則加木香以理氣而調中臍下動氣去朮加桂者因白朮補氣肉桂瀉奔豚也心下悸如茯苓者飲停則悸加之以利水而甯心也妊娠加歸芎以散寒和血呃逆加丁香柿蒂以利痰行氣濕盛以蒼朮易白朮者因白朮之甘溫和平不若蒼朮之辛烈燥濕而強胃且能開鬱以升胃陽也嘔加半夏前有轉筋加牛膝二錢艾絨二錢亦因重複刪之

(五) 伏陰病轉筋疼痛者蘇砂平胃散主之附子理中湯亦主之均宜加牛膝艾絨危急者用湯熨法

聲按濕鬱於經絡以致筋如轉索卽吳氏所謂俗名轉筋火者其實乃伏陰

與寒濕相搏也。又肝主筋，筋既被寒濕搏急而牽轉疼痛，卽當於溫通方中加桂枝以溫經通筋而和之也。蓋桂枝既善平肝，又善通陽，誠以一物而具牛膝、艾絨之功也。（後有驗案可考）若肢厥寒甚，則又非純陽之附子不足以破陰氣而發陽光，故附子理中湯亦主之。

湯熨法

蓼梗並葉根一大束，水煎湯，蒸轉筋痛處得汗則愈。

葱白一握，搗作餅貼痛處，以艾絨如荔枝核大於葱餅上火，然灸之得煖則愈。
小麥麴升許，酒調焙熱，布包綫紮熨，燂痛處冷則易之，以愈爲度。

以上三法屢用屢驗，必須內服通陽方劑以逐其邪，否則毒復陷裏，反成危候也。

（六）伏陰病冷汗自出者，陽復則止。

聲按此可與理中湯或蘇砂平胃散均宜加葱白若用蘇砂平胃散加桂枝二錢更佳

(七)伏陰病法當嘔今反不嘔者必腰痛或面赤腹痛乾嘔咽痛利止脈不出者通脈四逆湯主之

聲按此乃腎家虛寒伏邪就下爲患也故不嘔而腰痛又陰盛格陽於外故面赤而咽痛中寒凝聚故腹痛而乾嘔利止陽似來復而脈不出者其陽仍未通也故主以通脈四逆湯

通脈四逆湯(甘熱回陽法)

乾薑二錢 附子二錢 甘草一錢

水二鍾煎去渣溫服脈不出者再依前法煎服

變症

(二)伏陰病嘔利止厥回而噦者養胃湯主之半夏陳皮湯亦主之若厥不回而乾嘔者可與橘皮湯

養胃湯(養胃潤枯法)

人參一錢 沙參二錢 萎蕤二錢 石斛二錢 (先煎出汁) 炙甘草

一錢 法半夏八分 大棗三枚

(加減法)治胃虛津枯之呃逆加刀豆子一錢 (煨用)新瘥不欲食喜飲

者加白芍二錢

半夏橘皮湯(溫胃散水滌痰降氣法)

法半夏二錢 陳皮一錢 茯苓一錢 人參一錢 炙甘草一錢 乾薑

一錢大棗三枚

橘皮湯(通陽消陰宣胃降逆法)

陳皮二錢 生薑四錢

(二)伏陰病嘔利止心下痞鞭噫氣不除者可與代赭石旋覆花湯
代赭石旋覆花湯(補中宣氣鎮逆滌痰法)

代赭石一錢 旋覆花二錢(絹包) 人參二錢 炙甘草一錢 半夏二錢 生薑一錢 大棗三枚

(三)伏陰病嘔利後胃家虛寒而呃者與附子理中湯加丁香柿蒂胃家虛熱而呃者與橘皮竹茹湯胃虛痰喘者與丁香柿蒂湯

橘皮竹茹湯 (清補止呃法)

陳皮一錢五分 竹茹一錢五分 人參一錢 炙甘草一錢 大棗三枚 生薑八分

丁香柿蒂湯(溫中降逆法)